

DATANGMUZHI
SHUFA JINGXUAN

大唐墓志书法精选

◎ 何炳武 主编

中国出版集团

世界图书出版公司

程知节
高力士
墓志

◎ 陕西省古籍整理办公室
陕西省社会科学学院
编

大唐墓志书法精选

◎何炳武 主编

陕西省古籍整理办公室
陕西省社会科学学院 编

程知节
高力士
墓志

世界图书出版公司
西安 北京 上海 广州

图书在版编目(CIP)数据

大唐墓志书法精选.程知节、高力士墓志/何炳武主编.—西安:世界图书出版西安有限公司,2011.8

ISBN 978-7-5100-3676-7

I. ①大… II. ①何… III. ①汉字—碑贴—中国—唐代
IV. ①J292.24

中国版本图书馆CIP数据核字(2011)第134691号

《大唐墓志书法精选》编委会

主 任 杨尚勤

编 委 杨尚勤 洪援朝 石 英 刘卫民

何炳武 吴敏霞 牛泾民

《大唐墓志书法精选》编辑部

主 编 何炳武

编 辑 何炳武 吴敏霞 牛泾民 朱淑玲

程知节 高力士墓志

主 编 何炳武

责任编辑 焦毓本

视觉设计 诗风文化

出版发行 世界图书出版西安有限公司

地 址 西安市北大街85号

邮 编 710003

电 话 029-87214941 87233647(市场营销部)
029-87232980(总编室)

传 真 029-87279675

经 销 全国各地新华书店、外文书店

印 刷 陕西天意印务有限责任公司

开 本 850×1168 1/16

印 张 7.5

版 次 2011年8月第1版 2011年8月第1次印刷

书 号 ISBN 978-7-5100-3676-7

定 价 28.00元

☆ 如有印装错误,请寄回本公司更换 ☆

目录 MULU

程知节墓志

程知节墓志简介	5
程知节墓志释文	5
程知节墓志正文	9

高力士墓志

高力士墓志简介	71
高力士墓志释文	71
高力士墓志正文	73

大唐墓志书法精选

程知节墓志



程知节墓志简介

唐麟德二年（665）十月二十二日葬。1986年4月出土于陕西礼泉县烟霞乡上营村西约200处程知节墓中，石现藏昭陵博物馆，陕西省古籍整理办公室藏拓。志、盖均呈正方形，盖底边长78厘米、厚15.1厘米；志边长78厘米、厚14.9厘米。志四刹饰十二生肖图案；盖四周饰卷云纹，四刹饰四神图案。盖文4行，满行4字，篆书“大唐故骠骑大将军卢国公程使君墓志”；志文45行，满行46字，楷书。志主程知节，字义贞，东平（今山东东平）人。原名程咬金。善用马槊，隋末李密起兵，署为内军骠骑。入唐，初授秦王府左三统军。破宋金刚、擒窦建德、降王世充，每阵先登，以功封宿国公。玄武门事变，因功拜太子右卫率。贞观中，改封卢国公，历泸州都督，左领军大将军。高宗显庆二年（657）授葱山道行军大总管，击贺鲁于塞表。此志所载程知节生平事迹等可与史籍相互佐证，并可补史籍之阙。志文书体以楷书为主，间杂以行书，字形不拘谨，笔画不收敛，与昭陵其他墓志书法风格迥然不同，通篇墓志活泼大方，气韵生动，如爽爽清风，扑面而来，给人极深之印象。

程知节墓志释文

大唐骠骑大将军益州大都督上柱国卢国公程使君墓志铭并序

公讳知节，字义贞，东平人也。叶水德以深谋，肇崇其构；居火正而凝绩，爰锡其绪。掌伐于周，腾令范于县戟；效忠于赵，振徽图于粹册。谋甫之廉洁，绝以苞苴；叔翰之清高，辞乎辟召。华基峻烈，可得言焉。曾祖兴，齐兖州司马。祖哲，齐晋州司马。并逸气烟翔，孤韵风竦。临机弗谬，蕴志无辱。始屈道于涵牛，遽飞声于展骥。父娄，济州大中正，皇朝赠使持节瀛州诸军事、瀛州刺史。资以纯固，体乎温巖。冰操含洁，霞情荡照。正九流而发誉，望重生前；总八命以加班，荣镜身后。公氤氲荐祉，肸响凝和。挺殊姿于犀阙，彰异表于猿臂。英襟独茂，壮气孤騫。含百练以缥奇，鹜千里而扬质。忠能率义，无俟化成；孝必依仁，因心以至。徇情凤篆，挹绛灌之雄规；驿思龙韬，猎孙吴之秘道。属夫炎纲弛紊，昏政回遘，天不我将，其祸以苾。绿林肆孽，山岳由其簸跳；白波流灾，川渎为之腾涌。公慨然长愤，有切瞻

乌，鳩集雄豪，思树名绩。我高祖昭受骏命，底义乘图。始掬旅于容关，遽戡功于遂圃。公揆时骧首，应机投袂。睹殒云而式抃，仰谯星以载驰。粤自艰危，间行归顺，则武德元年也。蒙拜上大将军。时惟多难，戎衣未襞。太宗之在秦邸，专征是任。以公骁杰，引居莫府，授左三统军。燕跃鸛飞，累陪攻战。修戈驻日，长剑倚天。或减灶以申谋，乍拘原而胜敌。扫清群丑，繫公是赖。爰以懋功，载加隆赏，封宿国公，食邑三千户。寻拜使持节康州诸军事、康州刺史。剖符千里，书社万家。恩重建侯，荣深作牧。寻奉教留住，除右二府护军。九年夏末，二凶作乱，太宗受诏，宣罚禁中。公任切爪牙，效勤心膂。事宁之后，颁乎大赉，赏绢六千匹，骏马二匹，并金装鞍辔，及金胡瓶、金刀、金碗等物，加上柱国，授东宫左卫率，寻拜右武卫大将军。俄以锦山之曲，绵水之滨，川分望帝之乡，地接廩君之穴，眷言连率，允属朝贤。贞观初，授使持节都督泸戎荣三州诸军事、泸州刺史。寻为铁山獠叛，诏公为行军总管而讨平之。降敕慰劳，赉绢二百匹，御服玉带二腰。又以締构艰难，英材是寄，延赏之惠，追范前烈，封第二子处亮东阿县公，食邑一千户。寻授驸马都尉，降以清河公主。征拜公左领军大将军。顷之，权检校原州都督。十一年，封建功臣，以公为普州刺史，改封卢国公，邑依旧，真食七百户，仍令子孙代代承袭。出藩之日，带以京官。周开茅土，汉誓山河。峻业嘉庸，方锡其美。以今望古，公无慝焉。蓟门重镇，幽都悍俗，近通黄洛，遥控紫溪。检刺求材，非公孰寄。拜使持节都督幽易檀平燕妫六州诸军事、幽州刺史。扬轩谦泽，弭节仁墟。风移鬻岫之隅，威静蹕林之外。明年，追授左屯卫大将军，于北门检校屯兵。惟彼北营，羽林之骑，选兼七萃，任重八屯。载居其职，弥见忠谨。廿三年，自翠微官奉敕统飞骑，从今上先还，即于左延明门外宿卫，经乎百日，俄加镇军大将军。永徽中，转拜左卫大将军，兼检校屯营兵马。公兴斯中垒，绵涉九载，宠眄攸深，荣寄逾重。属獯丑余类，远隔沙场，反德背恩，亏我王度。薄伐其罪，复膺推轂。显庆初，拜使持节葱山道行军大总管。击贺鲁于塞表，开玉帐以临戎，指金丘而转斗。吴钩曜景，冀马追风。闾威灵于月窟，静氛霭于雷室。爰降手敕，远以迎劳。寻拜使持节岐州诸军事、岐州刺史。睠兹右辅，接近神畿，匪曰勋贤，曷膺其任。于是外遵八命，内亚九卿。拥熊轼而馭朱轡，建鸟旗而飘皂盖。恤刑综礼，赋事宜慈。始缉分帷之政，俄纡锡冕之泽。重惟公局宇端肃，风概清道，皎皎焉开朗魄于冲府，凜凜焉蕴皑霜于逸操。贞姿竦劲，若曾松之逗严辰；敏性怀芳，譬崇兰之茂暄序。白珪犹玷，其行也无瑕；黄金可轻，其言也不二。至于沉沙之术，桀石之勇，穿杨之妙，击蔗之奇，求诸曩贤，无谢厥美。以倜傥之器，逢感会之辰，托龙凤以遐翔，攀云霄而独上。衔珠而典禁旅，分玉而光列爵。践天牧于名藩，降王姬于令胤。荣盛之极，罕或俦矣。既而瞻宥危而戒满，顾悬车以流谦。桂冕抽簪，栖闲匿景。致饩之礼，既洽于胶庠；锡寿之期，方征于龟鹤。而箭川易往，芝驾难逢。奄结螳床之祆，俄嗟鹤版之召。以麟德二年二月七日，遘疾薨于怀

德里第，春秋七十有七。宸情震悼，饰终加礼，册赠骠骑大将军、益州大都督，赠绢布一千匹、米粟一千石，陪葬于昭陵。丧葬所须，随由官备。仍务从优厚。赐东园秘器，仪仗鼓吹送至墓所往还。仍令司刑大常伯源直心摄同文正卿监护，奉常丞张文收为副。前夫人孙氏，县令陆儿第三之女，封宿国夫人。四德允修，六行无忒。降年不永，先归厚夜。年三十有一，贞观二年六月廿一日，薨于怀德里第。后夫人清河崔氏，齐郡公逊之孙，父隋任齐州别驾信之长女。贞淑之姿，婉顺之德，作嫔君子，琴瑟斯和。假修之道无睽，簪裾之勤弥励。既而鞶褕在饰，狄第加荣。虽福愆偕老，而义遵同穴。以显庆二年十二月廿一日，终于怀德里，时年六十有七。粤以麟德二年岁次乙丑十月己亥朔廿二日庚申，合葬于陵南十三里。奉常考，谥曰襄公，礼也。骠骑之营，烟沉旧垒；将军之树，风断新枝。傒蒿亭而宵寂，驱柳驾以迟回。空郊暮兮寒日惨，文卫虚兮容管哀。纪遗芬于潜閼，永垂袞于将来。其铭曰：

绕星飞旆，捧日摘祥。鸿源浚远，庆绪灵长。曾父德迈，大父名扬。懿哉显考，粹范昭彰。其一；惟公挺生，载标时杰。敏识韶亮，逸韵高绝。猛概桓桓，英规烈烈。影媚虬浦，声驰鸛穴。其二；性符端確，志叶贞醇。详善服义，砥行栖仁。践直无隐，基忠有津。智兼三略，艺总六钧。其三；昔在隋季，卷怀昏德。日斗星亡，风回雾塞。聿逢运始，投诚徇国。抚剑要功，褰旗静慝。其四；洪勋允著，大赉斯酬。分竹为牧，疏茅俾侯。要鞬睢鄢，司戟摇丘。恩滋业泰，宠洽名休。其五；出总外台，入居中垒。抑扬风政，肃清奸宄。拥旆祁山，建旗汧水。云谁树绩，我昭其美。其六；辞荣养素，宅静凝玄。方期介祉，奄怆归全。山崩聚月，野隧衔烟。雄图遽已，盛德空传。其七

大唐驃騎大將軍

益州大都督上柱

國盧國公程使君

墓誌銘

并序

公諱知節字義貞

東平人也叶水德
以染謀肇崇其攝
居火正而凝績爰
錫其緒掌伐于周
騰令軌於縣哉効

忠子趙振徽圖於

松冊謀甫之庶潔

絕以苞苴卅翰之

清高辭乎辟名華

基峻烈可得言焉

曾祖興齊苑州司
馬祖撫唐晉州司
馬並逸氣煙翔孤
韻夙竦臨機邦謀
蘊志無辱始屈道

於函牛遠飛聲於
康輿父妻濟州大
中正皇朝贈
使持節濟州諸軍
事瀛州刺史資以